

Би киньлөн чужан лун: выльвося гаж

Лёсьодысь: Л.Н.Камбалова
2021 во

ворсысьяс: Би кинь (Бк), Ёма (Ё), Лымныв (Л.), Көдзыд пöль (КП.)

Залын юргö выльвося шылад. Челядь чукöртчöны. Нывъяс нуöдöны мастер-классъяс.

Пырö Бк: Чолöм, ёртъяс! Меным со телеграмма воис. Лыддя: Дона Би кинь, кора тэнö волыны коми выльвося гаж вылö тчк Пасъям тшöтш и тэнсьыд чужан лунтö тчк Виччысям Ёртасян керкаын öшым тöлысь 25 лунö тчк. Көдзыд пöль да Лымныв тчк.

А көн нö Көдзыд пöльыс? Эз на лок али мый? Но инö ог кутöй гажтöмтчыны, öд талун кыкпöвста празыник! Ворсыштам? Менам радейтана ворсöмъяс лыдын - «Семö дядь». Сувтам кытшö ставөн, ме кута петкөдлыны, а тi ме бöрся вöчöй.

Мунö ворсöм. Сэк косттi пырö Ёма (юр вылас корона пасьталöма) да тиöтти заводитö пессьыны.

Ё.: О-ёма-ё! Со кык во Пармаысь эг петав, Йöлöга кывза, да пыр дольö сэн кутшöмкö көрöна йылысь, йöз дорас пö пысасьöма да мынны оз вермыны. Сэсья мөвпалi- мөвпалi да ассьым көрöна пасьталi, мед тiян ме дорö оз вудж. Мися видзöдла, мыйсяма дивö вöльнöй сьветас вöчсьö. Со и аддза, сулаланнид кытшын да быднога пессянный. Ок и топöдöма тiянöс, думыштi. А тi, вöлöмкö, ворсанныд!

Бк.: Чолöм, Ёма баб! Бур, мый локтiн, тшöтш и гажöдчыштам!

Ё.: Чолöм-чолöм, Би кинь! Катшаяс тай китшкöны вöли, мый чужанлунасян пö. Кымын арöс тыри?

Бк.: Журналлөн медводдза петассянь 35 во коли, а ме челядьдырөн ола, öд менам ёртъяс – дзюлюкъяс.

Ё.: Шуда тай! Он и пöрысьлунсö тöдлы! Некыт оз дзурт, ни коскад оз кочки, майбырöй! Видзöдтö-видзöдтö и глав.редыс танi жö! Вреднöй чайтанныд? Абу, зэв на и шань, коми ногөн кө шöр редактор – Алёна Николаевна! Чолöмалам выль должностьөн! Кекöначасям вай, ёртъяс, ёна кекöначасям!

Бк.: Ёма, а вай водзö ворсыштам!

Ё.: Ворсыштам и эм! Менам со мича тупыль эм. Кутам шылад улö кийсь киö вуджöдны, а код дорын шöртыс лоас шылад лöнигас – мый тшöктам, сийö и вöчас. Сёрнитчим?

Мунö ворсöм. (ворсам вит мортöдз – медбöръясьыс шöртыс кольö Вячеслав Васильевич Попов кийн)

Ё.: О! Кутшöм ыджыд морт тай миян шöрö веськалöма! Нимкодь-нимкодь! Вячеслав Васильевич, шöртыс кө тэнö бöрйис, сiдзкö и чолöмавны-висьтасьны ковмас. Кывзам!

Сёрни.

Бк.: Ёртъяс! А миян дорö талун локтiс гудök Вов! Владимир Трошев. Сьылыштам да йöктыштамöй вай!

Владимир Трошевлөн сьылöм да гудöкасьöм (1-2 сьыланкыв)

Ё.: Уф! Но и гажöдiн гудök Вов! Кужан! Ок и лöсьыда ворсан! А сьыланкывъясыдлы кывъяссö ачыд жö гижан?

Вочакыв

Ё.: А вот ме ог куж гижны, но лыддыны-велöдны кывбуръястö радейта, торйөн нин нюмсора кө. Кывзöй.

Лыддö А.Сугкоевалысь кывбур.

Бк.: А ме тōда тайō гижысьсō! Ми топыда ёртасям ськōд и талун Анастасия Сукгоева локтис миян гаж вылō!

Ё.: Нимкодъ тōдмасьны! Анастасия Михайловна, сетам тэныд кыв.

А.Сукгоева лыддѳ тōв йылысь кывбур, нуōдō нōдкывѳяса ворсōм.

А.Нестерова: А миян дорō талун шонтысьны-гажōдчыны локтис нōшта на ōти коми гижысь – Анжелика Елфимова. Анжелика Геннадѳевна гижō оз сōмын верстьōлы, но и зон-поснилы.

А.Елфимовалōн сѳрни. Кывбур лыддѳōм.

Ё.: Со ōд кызди кужōны кывѳяссō мичаа тэчны, быттѳō сідзи и колō. Челядь, вай бура велōдчōй, мед тадз жō лōсьыда коми кывнас кужинныд гижны-висьтасьны.

А.Нестерова: Ёма, а Анжелика Геннадѳевна оз сōмын комиōн гиж, но и пырōдчō вуджōдчан уджō. Ми Би кинькōд дасьтīm Сѳркни (Кōвдум) мойд серти нейджыд ворсана петкōдчōм. Сōмын тэнад да челядълōн отсōг ковмас. Дасьōсь? Би кинь, вай рольяссō разōд. Ёмаыслы тшōтш сет.

Мунō театр-эспромт. Лыддѳō А.Нестерова, ворсōны челядь.

Ё.: Вот и артистьяс! И ме тшōтш молодец! Кужа тай вōлōмкō! Эг прōста кōрōна пасьтав. Супер кодзув да и толькō!

Бк.: Ёма, эн ошйысь – ошкō пōран! Ōтув ставыс миян артмō.

А.Нестерова: Збыль, ставныд тī ичōтик кодзувѳяс. Енбитō кō водзō пестанныд – нималана йōзōдз петанныд. Со шуам, миян пōвстын талун сьылысь кодзув эм - Анна Ардова. Анна миянлы сьылышта, а ми йōктыштам!

А.Ардовалōн 1-2 сьыланкыв.

Ё.: Мичаа тай кужō Анна сьывны! Но коронатō ассьым ог сет!

Бк.: Эн ышнясь аслад коронанад! Миян верстьō и челядь унатор кужōны вōчны, быдторйō сямьс тырмō и коронаыд налы тэнад оз ков!

А.Нестерова: Збыль тадзи и эм! Ми со Би кинькōд уна конкурс нуōдīm, и ōткымын вермысь локтис миян гаж вылō.

Дипломѳяс да козинѳяс сетōм.

Бк.: А ме челядлы нōшта ōти ворсōм дасьтī. Юксям кык пельō. Ōтияс менам котырō, а мōдѳяс – Ёмалōн. Кутам шылад улō ōта -мōдлы шыблавны лым шмакѳяс. Кор музыкаыс помасяс – лыддям, кодлōн этшаджык коляс – лоас вермысьōн. Мōдīm!

Мунō ворсōм.

Бк.: Ок и гажа миян танī, сōмын тай Кōдзыд пōль да Лым ныв пыр на эз локны. Гашкō, вошисны да? Вайō ōтвылысь корам!

Кōдзыд пōль! Лым ныв! (куимысь шуōны) Ворсō шылад. Пырōны КП да Л.

КП: Видза оланныд, челядь!

Л.: Бур лун, дона верстьō!

КП: Ок и туйыс вöлі кузь! Во быд эг аддзысьлöй тiянкöд! Гаж нин быри!

Л.: Кöдзыд пöль, видзöд, кутшöма найö быдмöмамöсь! Сэтшöм ыджыдöсь нин, ставныс шаньöсь!

КП: Збыль тай! Со и Би кинь танi нин! Чолöм-чолöм! Бур, мый локтiн! Чужан лунöн тэнö, вильышпоз!

Л.: Вильшасьнытö, Кöдзыд пöль, и тэ пыр на кужан. Он-он да и ныр-вом, пель да чуньяс дзюлюкъяслысь кынтан.

КП: Шоныд шапка да кепысь кö оз пасьтавны, öдйö на и чирышта!

Л.: А вай ворсыштам, челядь, Кöдзыд пöлькöд. Кужас-ö тiянöс кынтыны-кыйны? Сувтам кытшö да кыкнан киön кутчысям гезйö. Кöдзыд пöль кутас кытш шöртi ветлöдлыны да кияс кутавны, а тiян мог – не шедны, удитöтчыны китö мыш сайö дзебны. Сöмын кыкнан кисö öтвыв оз позь дзебны, а Кöдзыд пöль кö, аддзö, мый öти кийд мыш сайын нин, то мöдсö оз кый. Видлам.

Мунö ворсöм. Шылад. (Кöдзыд пöлькöд тиöтти кияс куталö и Ёма)

КП: Ок и шурыдöсь, дзюлюкъяс! Тэрыбöсь да визулöсь!

Л.: Кöдзыд Пöль, видзöд-тö, ворсам-ворсöдам челядьпиянöс, а миян мича козным пыр на оз пöртмась мича биясөн, синтö оз гажöд.

КП: Ок-ок! Вайö öтув шуам нимкыв, медым козсö мичмöдны биясөн: «Козйö-козйö, биön пöртмась! Öти, кык куим!» (шуны куимысь)

Козйыс заводитö пöртмасьны.

Л.: Со öд кутшöм гажа лоис! Вайö сувтам мича кытшö да сьылам козлы сьыланкыв.

(В лесу родилась ёлочка комиön)

Ё.: Кöдзыд пöль, видзöда да ноппыд сьöкыд, уна мыйкö тэчöмыд... Козиньясыд нö сöмын челядьлы вичмас али Ёмаыслы мыйкö шедыштас жö?

КП: Таво козиньяссö ми Би кинькöд лöсьöдiм выль во да сылөн чужан лун кузя. Бура кö асьтö кутан, Ёма, гоз-мöд юмовторыд и тэныд вичмас.

Л.: Челядь, кодi дасьтiс Би киньлы сиöм либö выльвося кывбур, верманныд матыстычны да гораа сьöрсөн-бöрсён висьтавны, а ми ставөн гусьён кывзам тiянöс.

Кывбурьяс лыддьöм. Козиньяс сеталöм. (Кодi кывбурсö оз лыддьы, Ёма налы нöдö, мед вочакыв вылас сетны кулөк).

Л.: Ёмалы отасьöмысь да бура асьсö кутöмысь мясянь чöскыд кампет вичмас. Сöмын унасö эн сей, пиньыд öд выльпöв оз быдмы!

Ё.: Аттьö, Лым ныв! Бура талун лунсö колляли. Ёна гажöдчи, сьöлөмöй бурдiс.

Öтувья фото

Ё.: Ок и лöсьыд гаж талун артмис! Бур, мый кокöй вайöдлiс. А сэсся и гортлань колö мöдöдчыны! Аттьö-пасибö ставсьыс. Бура кольöй, бура олöй! Эн висьöдчöй! Көрöнасыд мынтöдчöй!

Бк.: И меным туйö водзö петны. Аттьö, челядь, бур кывьясысь. Кутам водзö ёртасьны. Лыддьöй Би кинь журнал!

Л.: Миянöс Кöдзыд пöлькöд тшöтш водзö виччысьöны сикт-грездьясын. Мунны колö. Сиам тiянлы тыр-бур олöм! Велöдчöй бура, челядь. Кывзысьöй мам-батьлысь да шаня олöй!

КП: Дона войтыр! Сиам тiянлы бура паныдавны Выль во! Сьöлөмсянь гажöдчыны да кыпыда уджавны!

Ставөн: Аддзысьлытöдз!

Выльвося шылад. Тшай юöм.